

LXXVI. PELTVINVM VESTINVM (prope Pratam). Tribu Quirina.

Peluinates in Vestinis recenset Plinius h. n. 3, 12, 106, in provincia Valeria liber coloniarum (p. 229: 'colonia Peluinarum: iter populo non debetur: ager eius limitibus intercisivis est adsignatus'; redit ibidem in recensione deteriore p. 257 sub corrupto nomine coloniae Plentinae). Praeterea cum auctores taceant nec satis appareat, quando Romani hanc Italiae regionem suam fecerint (nisi fortasse huc pertinet quod apud Florum 4, 10 M. Curius consul a. 464 dicitur vastavisse omnem eum tractum, qua Nar Anio fontes Velini, Hadriano tenus mari, testimonio propter auctorem parum firmo, per se probabili), subeunt in locum eorum lapides. Nomen oppidi plene enuntiat decretum n. 3429 factum Peluini Vestinis in curia Aug(usta); de addito nomine Vestino vide quae observavimus p. 317. Condicionem qui indicant tituli, differunt: nam praefectura dicitur in eodem decreto, pars Peluinatum in titulis n. 3420 et 3430, fortasse item 3438, quae appellatio sane mira potest coniuncta esse cum Aufinatibus nescio quo modo ad Peluinates adiunctis (v. p. 320), denique municipium, abusive opinor, n. 3384. Ordo ut decurionum (n. 3524 al.) ita conscriptorum quoque (n. 3429) nomine audit. Aediles nudo honoris vocabulo perpetuo usi (n. 3384. 3385. 3431. 3433. 3434. 3438. 3519) summum locum in magistratibus tenuerint necesse est; nam non solum quattuorviri deficiunt, sed adsunt aediles quinquennales (n. 3385. 3429. 3437) iidem brevius dicti quinquennales nude (n. 3429. 3522). Frequenter item reperimus praefectos iure dicundo (n. 3384. 3433. 3434. 3437. 3522. 3575 cf. n. 3428), nec dubitandum est de praefecto quinquennali (n. 3385). Quod coniecit Henzenus (ann. 1859 p. 202) speciose sane, pariter atque Fundis et Formiis, praefecturis scilicet olim et ipsis, praefuerunt aediles tres, ita praefecturae Peluinatum praefuisse aediles duos et praefectum iure dicundo unum, id quominus admittam, impedit decretum ordinis Peluinatum n. 3429 factum non a tribus iis magistratibus, sed a solis aedilibus duobus; nam cum quinquennalitatibus tam praefectus capax sit quam aediles, inter eponymos quoque admitti debuit si simul cum aedilibus munere fungebatur. Quaestores adsunt tam rei publicae (n. 3434) vel nude sic dicti (n. 3384. 3522

cf. 3434) quam alimentorum (n. 3384. 3434. 3437. 3438). Accedunt viocurus viae Claudiae (n. 3384. 3385 cf. n. 3434) et annonae curator (n. 3437). Sacerdos reperitur flamen divi Augusti (n. 3384. 3385) sive flamen Augustalis (n. 3434. 3522), fortasse etiam flaminialis Aug(ustalis) (n. 3437), nisi est flaminialis idem augur; praeterea mulier sacerdos Veneris felicis (n. 3429), quacum componendae sunt magistrae Veneris quinque n. 3518. Sexviri Augustales passim nominantur (n. 3447. 3432. 3441. 3442. 3443. 3524. 3525), in his bisellio honorati (n. 3436. 3524) et quibus cubitus, id est accumbendi cum decurionibus ius concessum est (n. 3436). Collegia tenuiorum fere et servorum adeo sunt Herculis n. 3383, Iovis optimi maximi n. 3519, Silvani n. 3526 (cf. n. 3447), item cultores numinis nescio cuius Peluinates n. 3422, item quae Paganicenses tituli prodiderunt invenum Fificularum cultorum Herculis n. 3578 et cultorum dei publici n. 3577. Ad similia corpora referendi sunt magistri duo servi n. 3424. Contra magistri tres n. 3440 videntur fuisse pagi cuiusdam; de quibus pagis nominatis item in n. 3428 paucis exposuimus in praefationibus ad regiones agri Peluinatis a nobis ab ipso oppido separatas. — Tribum Peluinatum fuisse Quirinam multi tituli declarant.

Ipsam oppidum Peluinum fuit eo loco qui hodie dicitur Civita Ansedonia sive Ansedona, ubi circi aliorumque aedificiorum splendidorum parietinae adhuc supersunt. Proxima ecclesia S. Pauli prope Pratam in documentis saec. XIV et XV dicta S. Pauli a Peluino similiterve (Franchi difesa dell' Aquila p. 35) quique praeterea circumiacent vici Castelnovo, S. Pio delle Camere, Camponesco, Tusci, Opi, Fagnano, Ripa, S. Nicandro cum ecclesia S. Petri a Sinizzo quidquid dederunt, Peluinatum est. Ad eosdem rettulimus quae prodierunt in vicis meridiem versus adiacentibus Bominaco, Caporciano, Navelli, denique in valle Aterni Beffi, Goriano delle Valli, S. Mariae del Ponte, Fontecchj, Stiffe, ubi tamen fines inter Superacuanos Paelignos et Peluinates Vestinos certa ratione determinari non potuerunt.

Auctores recensuimus in praefatione Amiterninarum.

3414 Navelli in ecclesia S. Mariae de Gerulis; deinde Neapoli in collegio Iesuitarum; hodie ibi in museo publico.

T · VHTIO
D V N O
D I D I T
H I R C L O
5 IOVIO
B R A T
D A T A

Recognovi. Guidobaldi iscrizione arcaica di Ti. Vezio (Neapoli 1864. 8. pp. 49 et XI) dedit delineatam; Henzen *Bullett. dell' Inst.* 1865 p. 37 ad ectypa a Garruccio subministrata; Fiorelli cat. n. 444; Garrucci syll. n. 843.

Recepi titulum, quamquam et mihi et Buechelero Osce loqui videtur; nam potest de ea re dubitari. Hic de titulo haec mecum communicavit: 'Dubites Latina sit lingua an eius regionis propria. verum brat ignotum est Latinis, Herclo non usitatum, non dicunt duno sed donom nec didet sed dedet. et si didet perfectum est, inscite ille adiecisse putandus est brat data. quare dialecto alii titulum tribuo, etsi Paeligni Vetis ex Vettios, non Vetio efficere soliti sunt. didet praesens est indicativi ut coniunctivi dida in carmine Corfiniensi (mus. Rhen. 33 p. 280), ut futurum Oscis didest. item Herekloi Oscis dativum fecere tamquam Herculo. Bantiae magistratus iurat se comitia non dirimere brateis avti cadeis amnud, id est sine gratia et ira, non beneficii aut iniuriae caussa; in titulo Anxiano εσοτ βρατωμ, hoc donum offertur, item in Sulmonensi bratom Minervae. fortasse idem verbum est quod lat. paratum, nam embratur Oscis imperator, empratois apud Paelignos imperatis. hic feminino nomine opus est brata quod pro pecunia parta, pro quaestu habeo: Vettius remuneratur Herculem qui lucrum dederat.' — Guidobaldio (p. X) teste Mancinius parabat commentarium de titulo simili sive Osco sive Latino, in quo erat CAUSIVS.

3415 [= 6013] in Castello novo intra aedem S. Stephani ACC. Non reperit DRESSSEL. — Goriani in S. Iustae MVR. errore.

ANNEIA · ALBA
urceus NA · LARES patera
ET · ARAM
DE · S · P ·

Accursius n. 38 (inde Mur. 115, 3 e sched. Ambros.). Orelli 1657.

3416 [= 5940] pulchris litteris. Ad S. Nicandri, strada della Fontana, in macerie hortorum baronis Cappae.

ALLIDIUS · L · L
PHILOMVS ·
ILARIO · ALLIDI ·
SILVANO · D · D
arbor capella eam depascens

Recognoverunt Brunn et Dressel. Leosinius misit Instituto archaeologico.